

Ժողովուրդ

176
(2842)

8 դեկտեմբերի ուրբաթ 2023
տպագրության ԺԲ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com


100 դրամ

ԱԶԳԱՅԻՆ ՀԱՎԱՔԱԿԱՆԻ ՏՂԱՆԵՐԸ ԿԱԶՄԱԿՑԵ՞Ն ԱՐԱԶ ՕԶԲԻԼԻՄԻՆ



Դեկտեմբերի 23-ին նախատեսված ՅՖՖ նախագահի ընտրություններին առաջադրված են երկու թեկնածուներ՝ գործող նախագահ Արմեն Մելիքեյանը եւ հայտնի ֆուտբոլիստ, հոլանդական «Այաքս»-ի, Մոսկվայի «Սպարտակ»-ի ու ազգային թիմի նախկին խաղացող Արազ Օզբիլիսը, ում թեկնածությունն առաջարկել է գործող չեմպիոն ու գավաթակիր «Ուրարտու» ՖԱ-ն: ՅՖՖ մեր աղբյուրները փոխանցում են, որ ֆեդերացիայում մտավախություն ունեն, որ ազգային հավաքականի նախկին ու ներկա խաղացողները կարող են հայտարարություն տարածել, որով կաջակցեն Արազին ու կոչ կանեն ՅՖՖ նախագահ ընտրել ֆուտբոլից իսկապես հասկացող, իշխանությունների հետ չսերտաճած Օզբիլիսին: Մեր աղբյուրները պնդում են, որ տեքստն արդեն քննարկվում է, ու, որոշ բացառություններով (կան տղաներ, որոնք չեն ուզում հրապարակային հայտարարել՝ պատճառաբանելով, որ դեռ ուզում են խաղալ ու խնդիրներ չունենալ գործողների հետ), միացողները շատ են: Հետաքրքրական է, որ դեկտեմբերի 13-ին ստույգ է հրավիրել նաեւ ՅՖՖ անդամ, առաջնության լիդեր «Փյունիկ»-ի սեփականատեր Արթուր Սողոմոնյանը ու, ըստ չճշտված տեղեկությունների, կարող է սենսացիոն բացահայտումներ անել: Սրան զուգահեռ ֆեդերացիայի աշխատակիցներն են խնդրում, որ որոշ ակումբներ Մելիքեյանին աջակցող հայտարարություն տարածեն, ինչը դեռեւս ամբողջությամբ չի ստացվում: Այնպես, որ իշխանությունների «դաբրո»-ն հերթական անգամ ստացած Մելիքեյանը ֆեդերացիայի նախագահ կընտրվի, մեղմ ասած, կասկածելի վարկանիշային վիճակում: Մեզ փոխանցում են, որ ՅՖՖ նախագահ են ընտրում այնպիսի 34-ներ, որոնք գործունեությունը, մեղմ ասած, ակտիվ ֆուտբոլային չէ, ու շատերի մասին չգիտեն նույնիսկ ֆուտբոլասերները, իսկ, ահա, հայտնիները կան դեմ են, կան իրենց թեկնածությունն ունեն, կան դեռ բանակցում են՝ խոստանալով, օրինակ, խաղադաշտ կառուցել կամ այլ կերպ վարձահատույց լինել քվեի դիմաց: Մեզ զանգահարած ֆուտբոլասերները պնդում են՝ քանի դեռ այս մարդիկ են իշխանությունների ընտրյալը, ֆուտբոլը հետընթաց է ապրելու, ու խայտառակ պարտություններ ենք կրելու: Անհասկանալի է, թե Մելիքեյանին ինչ ձեռքբերումներ է իբրեւ աշխատանքի արդյունք ներկայացնելու իր ընտրության օրը, թերեւս աշխատակիցների՝ ունեցվածք ձեռք բերելը:

«Ժողովուրդ» օրաթերթը գրել էր, որ հաջորդ շաբաթ՝ դեկտեմբերի 15-ին եւ 16-ին, Գյումրիում տեղի է ունենալու ԶՊ կուսակցության ամփոփիչ քաղաքական ժողովը՝ վարչապետ Նիկոլ Փաշինյանի գլխավորությամբ: «Ժողովուրդ» օրաթերթի աղբյուրները հայտնում են, որ ԶՊ-ականներն այդ երկու օրը անցկացնելու են Գյումրիում շքեղ GRAND HOTEL GYUMRI by APRICOT հյուրանոցում, որը գտնվում է հենց քաղաքի կենտրոնում: Ինչպես մեզ հայտնեցին, ԶՊ-ականներն արդեն երկու օրով տեղեր ամրագրել են հյուրանոցում: Կուսակցության քաղաքական ժողովին մասնակցելու են վարչության անդամները, կառավարության անդամները՝ նախարարներ, փոխվարչապետներ, ԱԺ նախագահը, նրա տեղակալները, հանձնաժողովի նախագահները, տարածքային կազմակերպությունների ղեկավարներ եւ համայնքի ղեկավարներ, ինչպես նաեւ հրավիրյալ անձինք, որոնց կորոշի վարչությունը: Հավելենք, որ «Ժողովուրդ» օրաթերթը դեռ մարտին գրել էր՝ Գյումրիում մեր աղբյուրները հայտնել են, որ Վահագն Սկրտչյանը վարչապետի տիկնոջ՝ Աննա Հակոբյանի մորաքրոջ թոռն է, որը փոխքաղաքապետ կարգվեց: Հիմա, ըստ տեղեկությունների, նպատակ ունեն քաղաքապետի պաշտոնում նշանակել:



«Նոր Հայաստանում կանանց դերը շատ մեծ է եւ կարեւոր: Դրա վկայություն է այն, որ երկու տարի առաջ հենց կանանց աննախադեպ քաղաքական ակտիվությունը դարձավ այն շրջադարձային կետը, որը թույլ տվեց Հայաստանում իրականացնել պատմական փոփոխություններ»: Իշխանության գալուց հետո ահա այսպիսի շեշտադրմամբ ու հռետորաբանությամբ էր ուղերձներ հղում Նիկոլ Փաշինյանը՝ պատկերավոր եւ գեղեցիկ բառերով փաթեթավորված ներկայացնելով իր իշխանության օրոք կանանց դերի բարձրացումը քաղաքական դաշտում: Իշխող մեծամասնությունը դրոշակ էր սարքել այն, որ իրենց իշխանության օրոք պետական ապարատում կին պաշտոնյաները շատ են՝ գլխավոր դատախազ, առողջապահության նախարար եւ այսպես շարունակ: Իսկ ինչպիսի՞ պատկեր է իրականում. կին պաշտոնյաների նկատմամբ այս իշխանությունների վերաբերմունքի մասին լավագույնս կարող ենք պատկերացում կազմել՝ ընդամենը հետետեղով նախորդող երկու օրերին ԱԺ-ում տիրող իրադրություններին: Խորհրդարանը շուրջ երկու օր քննարկում էր Կոռուպցիայի կանխարգելման հանձնաժողովի անդամների ընտրության հարցը: Պաշտոնում առաջադրված երկու թեկնածուներն էլ կին էին՝ Կոռուպցիայի կանխարգելման հանձնաժողովի նախկին նախագահ Հայկուհի Հարությունյանը եւ հանձնաժողովի վարչության պետ Նարինե Ավետիսյանը: Թե ինչպիսի արհամարհական, վիրավորական եւ հարձակողական վերաբերմունք էին ԶՊ-ականները ցուցաբերում կին թեկնածուների նկատմամբ, բոլորի աչքի առաջ էր: Իշխանականները, օգտվելով իրենց՝ մեծամասնություն լինելու առավելությունից, «հարձակվել էին» կին թեկնածուների վրա ու ակնհայտորեն փորձում էին հոգեբանական ճնշում գործադրել, նսեմացնել նրանց: Վերջում էլ, խիստ սկստացուցիչ վերաբերմունք ցույց տալով, հրաժարվեցին անգամ նրանց քվեարկությունը մասնակցել: ArmLur.am-ը գրել էր, որ ԱԺ նիստերից դուրս էլ ԶՊ-ն արհամարհական վերաբերմունք է ցույց տվել կին թեկնածուների նկատմամբ ու անգամ նրանց սպասելու տեղ չի հատկացրել ԱԺ սենյակներում, ինչի պատճառով նրանք ստիպված են եղել ԱԺ միջանցքներում սպասել: Ահա, միայն այս ամենը փաստում է, որ Նիկոլ Փաշինյանի իշխանությունը միայն վերամբարձ ու ականջահաճո հայտարարություններ է սիրում անել, իսկ իրականում կանանց թիրախավորում են հենց ԶՊ-ականները:



Հարդարադատության նախարարությունն առաջարկում է ներդնել էլեկտրոնային դատավարության համակարգ: Այդ փոփոխությունների նախագիծը ներկայացված է Ազգային ժողով, եւ առաջարկվում է փոփոխություններ կատարել «Հայաստանի Հանրապետության դատական օրենսգիրք» սահմանադրական օրենքում լրացում կատարելու մասին» սահմանադրական, «Հայաստանի Հանրապետության քաղաքացիական դատավարության օրենսգրքում փոփոխություն եւ լրացում կատարելու մասին» օրենքների նախագծերում: Նշվում է, որ այդ համակարգի ներդրումը նպատակ ունի թեթեւացնելու դատարանների ծանրաբեռնվածությունը, նպաստելու էլեկտրոնային գործիքների կիրառմամբ գործերի առավել արագ քննությանը, դատարանների եւ դատավարության մասնակիցների ռեսուրսների խնայմանը, քաղաքացիական ու վարչական գործերի՝ ողջամիտ ժամկետում քննության ապահովմանը: Հիմնավորման մեջ նշվում է, որ նախագծի նպատակն է ստեղծել այնպիսի իրավիճակ, որ էլեկտրոնային համակարգի միջոցով պատշաճ կերպով եւ համակարգի կողմից տրամադրվող գործիքակազմին համահունչ եղանակով կատարված ցանկացած գործողություն ունենա նույն դատավարական հետեւանքները, որը կունենար ավանդական եղանակով կատարված համանման գործողությունը:



ԶՐՈՒՅՑ

ՄԱՐԳԱՐԱՅԻ ԱՆՑԱԿԵՏՆ ՈՒ ՀԱՅԱՍՏԱՆԸ

«Ժողովուրդ» օրաթերթը գրուցել է Ազգային ժողովի «Հայաստան» դաշինքի ղեկավար Մարգարայի Խաչատրյանի հետ, որը ներկայացրել է հայ-ռուսական հարաբերությունների փոփոխության, վեկտորների շեղման, նաև Մարգարայի անցակետի բացման եւ նույնանունի մասին:

«Ներկայիս իշխանությունները հայ-ռուսական հարաբերությունները կարծես ուզում են վերացնել վերջնականապես: Ի՞նչ էք կարծում, ի՞նչ կարելի է սպասել այս ամենից, ի՞նչ հետեւանքներ այն կարող է ունենալ:

«Շատ ռիսկային քաղաքականություն են վարում այսօրվա իշխանությունները: Նման խառը ժամանակներում, երբ տիտաններն են կռվում, ճիշտ կլինե՞ր փորձել Հայաստանի Հանրապետությունը անվտանգ պահել համաշխարհային բախումներից: Բայց այս իշխանությունները համաշխարհային բախումը՝ հավաքական Արեւմուտք եւ Ռուսաստան, բերեցին Հայաստան: Սրանք ռիսկային քաղաքականություն են վարում, չեն ներկայացնում, թե ինչ այլընտրանքներ ունեն: Ես այս իշխանություններին լսելիս հիշում եմ Փանջուհու «Կորջի ծալվվարը, կեցցե գաղափարը» հայտնի խոսքը: Այսինքն՝ ունեն գաղափար, եւ հեջ կարելու չէ, որ Հայաստանը ինչ ռիսկերի, ինչ վտանգների առաջ կկանգնի, միայն թե կարողանան իրենց գաղափարն առաջ տանել:

«Ինչպե՞ս կրնա վաղորդ այս հարաբերությունների վատացման ֆոնին Մարգարայի անցակետի բացումը, երբ մենք ոչ ուղիղ ասում ենք, որ հարաբերությունների լավացում չենք ուզում Ռուսաստանի հետ եւ Արեւելք ու Արեւմուտք ենք խառնում իրար: Ինչո՞ւ բացեցինք անցակետն այն պարագայում, երբ մենք ոչ Ադրբեյջանը



Նի եւ ո՞չ էլ Թուրքիայի հետ չենք բանակցել: Ի՞նչ նպատակի այն պետք է ծառայի:

«Հայաստանը երբեք անցակետ չի փակել: Այն փակել է Թուրքիան քաղաքական նպատակներով եւ սկսել հանդես գալ ճանապարհը բացելու նախադրյալներով: Առաջինը Արցախից հրաժարումն է, որն այս իշխանությունները կատարեցին: Տեղապատվությունից հրաժարում, ազգային սիմվոլիկայից հրաժարում: Սա թուրքական նախապայմաններ են, որոնց դիմաց միգրացիոն Թուրքիան ճանապարհ կբացի, որովհետեւ վերջին տարիների փորձը ցույց է տալիս, որ ինչքան իլու-հ-նազանդ կատարում ես պահանջները,

այդքան սոր պահանջներ են ծնվում: Դա՛ մեկ, եւ երկրորդը՝ Մարգարայի ճանապարհը ասֆալտապատելը դեռ չի նշանակում, որ ճանապարհը բացել են:

«Անցակետն են վերանորոգել: Անցակետը վերանորոգել են, հետո ի՞նչ: Թուրքիան ի՞նչ պահանջներ է դնելու ճանապարհը բացելու դեպքում: Բաց ճանապարհը եւ ճանապարհից օգտվելը տարբեր բաներ են: Հայաստանն առաջարկում է, որ 47 կիլոմետր կարող էք իմ ճանապարհով անցնել, 400 կիլոմետրն անցնելու է թուրքական ճանապարհով:

Զրուցեց ԷՄՄԱ ՄԻՔԱՅԵԼՅԱՆԸ

ՄՐՅԱՆԱԿԻ ԱՐԺԱՆԱՅԱԿ

ՀԱՅՐԵՆԻՔԻՆ ՄԱՏՈՒՑԱԾ ԾԱՌԱՅՈՒԹՅՈՒՆՆԵՐԻ ՀԱՄԱՐ

Աժ մարդու իրավունքների դաշնակցության եւ հանրային հարցերի մեծական հանձնաժողովի՝ աղօթինաբար լիազորությունները դադարեցված նախագահ, անկուսակցական դասգամավոր Թագուհի Թովմայանը ֆեյսբուքյան իր էջում գրում է. «AAD (Հայաստան, Արցախ, Սիվյուս) 14-րդ ամենամյա մրցանակաբաշխության ժամանակ արժանացա «Հայրենիքին մատուցած ծառայությունների համար» անվանակարգում դասվողի:



հետ բերել, որովհետեւ երբեք որեւէ մեկը մեզ չի արգելում ունենալ հայրենիք:

Այս ժամանակավոր անարդարությունը, կարծում եմ, մենք կկարողանանք ազգովի հաղթահարել, եթե բոլորս լինենք միասնական, յուրաքանչյուրս կատարենք աշխատանքն այնպիսի սիրով, այնպիսի պատասխանատվությամբ եւ իսկապես այնպիսի հայրենասիրությամբ, որ անկեղծորեն հավատանք մեր աշխատանքի արդյունավետությանը:

Շնորհակալ եմ նաեւ Ձեզ, Մամիկոն ջան, այս երեկոն կազմակերպելու համար: Ուզում եմ, որ յուրաքանչյուր ստա-

գած գնահատական լինի մոտիվացնող: Խոնարհումս եմ հայտնում զոհված զինծառայողների ծնողներին, ընտանիքներին, շուտափույթ ապաքինում եւ կյանքի շարունակականությունն ապահովելու հույսի արթնացում այն բոլոր զինվորներին, որոնք իրենց կեցը թողել են պատերազմի դաշտում:

Մենք չենք պարտվել ամբողջությամբ եւ վերջնականապես. սա ժամանակավոր է, մենք պիտի նայենք առաջ, եւ ապագա սերունդները պետք է մեզ համար ավելի սոր ու հզոր հայրենիք կերտեն: Ես հավատում եմ այդ ապագային: Շնորհակալ եմ...»:



32 ՀԱՅ ԶԻՆԾԱՌԱՅՈՒՆՆԵՐ ԱԶԱՏ ԵՆ ԱՐՁԱԿՎԵԼ

ՀՀ կառավարությունը հայտարարություն է տարածել: Այն ներկայացնում ենք ստորեւ. «Հայաստանի Հանրապետության վարչապետի աշխատակազմի եւ Ադրբեյջանի Հանրապետության նախագահի վարչակազմի համատեղ հայտարարությունը. «Հայաստանի Հանրապետությունը եւ Ադրբեյջանի Հանրապետությունը համակարծիք են, որ տարածաշրջանում վաղուց սպասված խաղաղության հասնելու պատմական հնարավորություն կա: Երկու պետությունները վերահաստատում են ինքնիշխանության եւ տարածքային ամբողջականության սկզբունքների հարգման հիման վրա հարաբերությունները կարգավորելու եւ խաղաղության պայմանագրի կնքմանը հասնելու իրենց մտադրությունը: Հայաստանի Հանրապետության վարչապետի աշխատակազմի եւ Ադրբեյջանի Հանրապետության նախագահի վարչակազմի միջեւ բանակցությունների արդյունքում պայմանավորվածություն է ձեռք բերվել երկու պետությունների միջեւ վստահության կառուցման ուղղությամբ շրջափելի քայլեր ձեռնարկելու մասին: Առաջնորդվելով մարդասիրության արժեքներով եւ, որպես բարի կամքի կրողներ, Ադրբեյջանի Հանրապետությունն ազատ է արձակում 32 հայ զինծառայողներին: Հայաստանի Հանրապետությունն իր հերթին, առաջնորդվելով մարդասիրության արժեքներով եւ, որպես բարի կամքի դրսեւորում, ազատ է արձակում 2 ադրբեյջանցի զինծառայողներին: Որպես բարի կամքի քայլ՝ Հայաստանի Հանրապետությունն իր աջակցություն է հայտնում ՄԱԿ-ի Կլիմայի փոփոխության մասին շրջանակային կոնվենցիայի մասնակիցների կոնֆերանսի 29-րդ նստաշրջանը («COP29») հյուրընկալելու նպատակով Ադրբեյջանի Հանրապետության ներկայացրած հայտին եւ հանում է իր թեկնածությունը: Հայաստանի Հանրապետությունը եւ Ադրբեյջանի Հանրապետությունը հույս են հայտնում, որ Արեւելյան Եվրոպայի խմբի մյուս պետությունները նույնպես կաջակցեն հյուրընկալելու նպատակով Ադրբեյջանի Հանրապետության ներկայացրած հայտին: Որպես բարի կամքի քայլ՝ Ադրբեյջանի Հանրապետությունն իր աջակցությունն է հայտնում Արեւելյան Եվրոպայի խմբի «COP»-ի բյուրոյին անդամակցելու համար առաջադրված՝ Հայաստանի Հանրապետության թեկնածությանը: Հայաստանի Հանրապետությունը եւ Ադրբեյջանի Հանրապետությունը կշարունակեն իրենց քննարկումները վստահության կառուցման ավելի շատ միջոցառումների իրականացման վերաբերյալ՝ մոտ ապագայում կյանքի կոչելու համար, եւ կոչ են անում միջազգային հանրությանը աջակցելու իրենց ջանքերին, որոնք կնպաստեն երկու պետությունների միջեւ փոխադարձ վստահության կառուցմանը եւ դրական ազդեցություն կունենան Հարավային Կովկասի ողջ տարածաշրջանի համար»:

ՂԱՏԱՎՃԻՌ

ՈՍԿԱՆՅԱՆԸ ԲԱՔՎՈՒՄ ԴԱՏԱՊԱՐՏՎԵՑ

ԻՆՉՈՒՒ ԶԻ ՆԵՐԿԱՅԱՅԵԼ



Հայաստանի Ազգային ժողովի ևախազահ Ալեն Սիմոնյանը պարզաբանել է, թե ինչու չի մասնակցելու Հավաքական անվտանգության պայմանագրի կազմակերպության խորհրդարանական վեհաժողովի խորհրդի արտահերթ, ինչպես նաև վեհաժողովի լիազուսմար նիստին:

«Ժողովուրդ» օրաթերթի փոխանցմամբ՝ Սիմոնյանն ընդգծել է, որ այդ նիստերին մասնակցելու իմաստ չի տեսնում:

«Կան չլուծված հարցեր, մարդիկ իրենց պարտավորությունները չեն կատարում: Մենք լսում ենք, որ միայն Հայաստանի ուղղությամբ է հոխորտանք հնչում, այնինչ եթե մենք նայենք, օրինակ, 2020 թվականին նոյեմբերի 9-ից այս կողմ, ադրբեջանական կողմը՝ որպես Ռուսաստանի դաշնակից, բազմաթիվ անգամներ շատ-շատ վատ է դրսևորել իրեն՝ սկսած ռուս զինվորների սպանելուց, վերջացրած պայմանավորվածությունները խախտելուց: Այսինքն՝ Ադրբեջանն ինչ ուզել, մեր տարածաշրջանում արել է, եւ Ռուսաստանը կամ չի արձագանքել, կամ չի կարողացել դա անել»,-ասաց Սիմոնյանը:

Աժ նախագահը հիշեցրեց՝ ռուսական կողմը մեծ աղմուկ էր բարձրացրել, երբ Հայաստանը հումանիտար օգնություն էր ուղարկել Ուկրաինա, այնինչ ադրբեջանական կողմը բազմաթիվ անգամ նման օգնություն է ուղարկել, բազմիցս Ուկրաինայի նախագահը շնորհակալություն է հայտնել Ադրբեջանի նախագահին:

«Բայց Ռուսաստանի «արդարացի» ԱԳՆ-ից ոչ մի ծայտուն մենք չլսեցինք: Խախտվել է նոյեմբերի 9-ի համաձայնագիրը, խախտվել են ներքին պայմանավորվածությունները, գերիների վերադարձի պայմանավորվածությունը եւ այլն, բայց Ռուսաստանը, ցավոք սրտի, Հայաստանի պարագայում շատ ցավոտ է արձագանքում, իսկ Ադրբեջանի պարագայում, իմ կարծիքով, կամ չի կարողանում, կամ ձեւ է անում, որ չի նկատել, որպեսզի դեմքը պահպանի վատ խաղի ժամանակ»,- ասաց Սիմոնյանը:

Հիշեցնենք, որ Հայաստանի Ազգային ժողովի նախագահ Ալեն Սիմոնյանը չի մասնակցել 2023 թվականի դեկտեմբերի 19-ին Մոսկվայում կայանալիք Հավաքական անվտանգության պայմանագրի կազմակերպության խորհրդարանական վեհաժողովի խորհրդի արտագնա նիստին եւ 16-րդ լիազուսմար նիստին: Նիստերին չի մասնակցի նաև ՀՀ ԱԺ պատվիրակությունը: Ալեն Սիմոնյանն այդ մասին նամակով տեղեկացրել է Ռուսաստանի Դաշնային ժողովի պետական դումայի նախագահ Վյաչեսլավ Վոլոդինին:

«Ժողովուրդ» օրաթերթի փոխանցմամբ՝ Բաքվում հրադարակվել է ադրբեջանցիների կողմից գերեվարված ռախեսագորային Գագիկ Ոսկանյանի դատավճիռը:

Ինչպես հայտնում են ադրբեջանական լրատվամիջոցները, նա դատապարտվել է 18 տարվա ազատազրկման:

Հիշեցնենք՝ ՀՀ ՊՆ-ն օգոստոսի 16-ին հայտնեց, որ պահեստազորային Գ. Ո.-ն, ըստ նախնական տվյալների, ինքնակամ թողել է մարտական դիրքը, նրան հայտնաբերելու նպատակով ընթանում են որոնողական աշխատանքներ:

Ավելի ուշ ադրբեջանական կողմը հայտարարեց, որ ձերբակալել են հայ զինծառայողի: Հակառակորդը հերթական ապատեղեկատվությունը տարածելու առիթը բաց չթողեց՝ նշելով, թե, իբր, դիվերսիոն ներթափանցման փորձ է եղել:

ՀՀ պաշտպանության նախարարությունը ներկայացրեց մի տեսանյութ, որում երեւում էր՝ ինչպես են Ադրբեջանի ՋՈՒ մի խումբ զինծառայողներ մոտենում դեռևս չպարզված հանգամանքներում ադրբեջանական կողմում հայտնված պահեստազորային Գ. Ո.-ին, զրուցում նրա հետ, հետո ձերբակալում եւ մեքենայով տեղափոխում անհայտ ուղղությամբ:

Բաքուն նրան մի շարք հանցանքներ է վերագրում՝ ապօրինի սահմանահատուկ միջնաբերական օդանավներով:

Ավելի վաղ նման ճակատագրի արժանացավ նաև Արցախի բնակիչ 68-ամյա Վազիֆ Խաչատրյանը: Խաչատրյանին Բաքվի դատարանը դատապարտեց 15 տարվա ազատազրկման: Տեղեկությունը հայտնեցին ադրբեջանական ՋԼՄ-ները:

Ազատազրկման առաջին 5 տարին Խաչատրյանը պետք է անցկացնի բանտում, իսկ մնացածը՝ խիստ ռեժիմի գաղութում:

Հիշեցնենք՝ անհետաձգելի բուժօգնություն ստանալու համար Արցախից Հայաստան տեղափոխվող Վազիֆ Խաչատրյանին Ադրբեջանի սահմանապահ ծառայության ներկայացուցիչները առեւանգեցին հուլիսի 29-ին: Ավելի ուշ հայտնի դարձավ, որ նրան մեղադրանք է ներկայացվել, ըստ որի՝ Վազիֆ Խաչատրյանը, իբր, հանցավոր խումբ է ստեղծել, որը 1991թ. դեկտեմբերի 21-ին մասնակցել է Խոջալուի շրջանի Մեջալի գյուղի բնակիչների դեմ հանցագործությունների:




Հայտնաբերված սահմանապահ ծառայության ներկայացուցիչները առեւանգեցին հուլիսի 29-ին: Ավելի ուշ հայտնի դարձավ, որ նրան մեղադրանք է ներկայացվել, ըստ որի՝ Վազիֆ Խաչատրյանը, իբր, հանցավոր խումբ է ստեղծել, որը 1991թ. դեկտեմբերի 21-ին մասնակցել է Խոջալուի շրջանի Մեջալի գյուղի բնակիչների դեմ հանցագործությունների: Խաչատրյանը դատական նիստերի ընթացքում բազմիցս հայտարարել է, որ որեւէ հանցագործություն չի կատարել:

Ավելի ուշ Մարդու իրավունքների պաշտպանը անդրադարձել էր Վազիֆ Խաչատրյանի դեպքին:

«Լաչինի շրջանում ադրբեջանական զորքերի կողմից առեւանգված Վազիֆ Խաչատրյանը Բաքվում դատապարտվել է 15 տարվա ազատազրկման, առանց միջազգային իրավական չափանիշների եւ մարդու իրավունքների հետ կապված երաշխիքների պահպանման»,- X-ի իր միկրոբլոգում գրառում է կատարել ՀՀ մարդու իրավունքների պաշտպան Անահիտ Մանասյանը:

ՕՐՎԱ ԽՃԱՆԿԱՐ ԱՐՏԱՐԷՐԹ ՆԻՍՏ ԿԱՆԻ



Դեկտեմբերի 12-ին՝ ժամը 11:00-ին, կզուսմարվի Ազգային ժողովի արտահերթ նիստ:

«Ժողովուրդ» օրաթերթը տեղեկացավ, որ նիստի օրակարգում ընդգրկված է երեք հարց՝

1) «Հայաստանի Հանրապետության եւ ՕՊԵԿ-ի միջազգային զարգացման հիմնադրամի միջեւ «Կանաչ, դիմակայուն եւ ներառական զարգացման ծրագիր» վար-

կային համաձայնագիրը վավերացնելու մասին» Հայաստանի Հանրապետության օրենքի նախագիծը,

2) ««Զինվորական ծառայության եւ զինծառայողի կարգավիճակի մասին» օրենքում լրացումներ եւ փոփոխություն կատարելու մասին», Հայաստանի Հանրապետության քրեական օրենսգրքում լրացում կատարելու մասին» Հայաստանի Հանրապետության օրենքների նախագծերի փաթեթը,

3) «Հայաստանի Հանրապետության հարկային օրենսգրքում փոփոխություն եւ լրացում կատարելու մասին» օրենքի նախագիծը:

ՓՈՓՈԽՈՒԹՅՈՒՆՆԵՐ՝ ՄԱՐԶՊԵՏԱՐԱՆՈՒՄ

Հայաստանի կառավարության որոշմամբ՝ Արարատ Գրիգորյանն ազատվել է Վայոց ձորի մարզպետի պաշտոնից:

«Ժողովուրդ» օրաթերթի փոխանցմամբ՝ կառավարության մեկ այլ որոշմամբ՝ Վայոց ձորի մարզպետ է նշանակվել Կոլյա Միքայելյանը:

Որոշումներն ընդունվել են ՀՀ կառավարության դեկտեմբերի 7-ի նիստում:

«Ժողովուրդ» օրաթերթի փոխանցմամբ՝ ՀՀ վարչապետ Նիկոլ Փաշինյանի դեկտեմբերի 6-ի որոշմամբ՝ Նանե Ասատրյանը դեկտեմբերի 6-ից վերականգնվել է

Հայաստանի Հանրապետության Վայոց ձորի մարզպետի տեղակալի պաշտոնում:

«Հիմք ընդունելով Վերաքննիչ վարչական դատարանի թիվ ՎԴ/9814/05/21 վարչական գործով վճիռը եւ դեկլարավելով «Հանրային ծառայության մասին» օրենքի 9-րդ հոդվածի 9-րդ մասով՝

Նանե Ասատրյանին 2023 թվականի դեկտեմբերի 6-ից վերականգնել Հայաստանի Հանրապետության Վայոց ձորի մարզպետի տեղակալի պաշտոնում:

Հայաստանի Հանրապետության Վայոց ձորի մարզպետին՝ հրապարակումից հետո անհապաղ սույն որոշման մասին պատշաճ կարգով իրազեկել Նանե Ասատրյանին»,- ասվում է որոշման մեջ:

ԱՐՏԱՐԷՐԹ ԸՆՏՐՈՒԹՅՈՒՆՆԵՐ՝ ԱԳՐԲԵՋԱՆՈՒՄ

Ադրբեջանում հայտարարվել են արտահերթ նախագահական ընտրություններ:

Ինչպես հաղորդում է ԱՊԱ-ն, նախագահ Իլիամ Ալիևը ստորագրել է համապատասխան կարգադրություն:

ԱՀ կենտրոնական ընտրական հանձնաժողովին հանձնարարվել է ապահովել 2024 թվականի փետրվարի 7-ին ԱՀ նախագահի արտահերթ ընտրությունների անցկացումը՝ ԱՀ ընտրական օրենսգրքով սահմանված կարգով:

ԽԱՌՆԱՇՓՈՑ

ԻՆՉ Է ԹԱՔՅՆՈՒՄ ՄԻԳՐԱՑԻՈՆ ԾԱՌԱՅՈՒԹՅՈՒՆԸ

«Ժողովուրդ» օրաթերթը շարունակում է ներկայացնել ՀՀ քաղաքացու անձնագրերի «ողիսականը» եւ կենսաչափական անձնագրեր սրամարդու բարեփոխման մեուոնս աղազան:

Անձնագրային համակարգում տիրող քառորդ անգամ իջխանության ու ընդդիմության է միավորել, պատգամավորները, միմյանց հերթ չտալով, ելույթներ էին ունենում մոտ երկու շաբաթ առաջ՝ «Հայաստանի Հանրապետության քաղաքացու անձնագրի մասին» օրենքում եւ կից օրենքներում փոփոխություններ եւ լրացումներ կատարելու մասին օրինագծերի փաթեթի քննարկման ժամանակ: Իհարկե, հին նմուշի անձնագրերի տրամադրման ժամկետը հերթական անգամ երկարացվեց մինչեւ կենսաչափական անձնագրերի նոր համակարգի ներդրումը, որն, ի դեպ, հայտնի չէ, թե երբ կլինի: Բանն այն է, որ 2017թ. ավարտվել է լեհական ընկերության հետ պայմանագրի ժամկետը, որը զբաղվում էր հայկական կենսաչափական անձնագրերի, ID-քարտերի արտադրությամբ եւ սպասարկմամբ:

Ներքին գործերի նախարարության միգրացիոն ծառայության ղեկավար Արմեն Ղազարյանը պնդում է, թե դրանից հետո սկսվել է նոր եւ ավելի ժամանակակից տեխնիկական պահանջների մշակումը: Ղազարյանը, մեղմ ասած, ճիշտ չի ասում, երբ հայտարարում է, թե տարիներ ի վեր անհրաժեշտ ներդրումներ չեն կատարվել անձնագրային համակարգի զարգացման վրա: Մեր ձեռքի տակ են հայտնվել փաստաթղթեր, որոնք վկայում են, որ պետությունը տարեկան մոտ 300 մլն դրամ է հատկացրել անձնագրային համակարգի համար, սակայն փաստացի ոչինչ չի արվել: Ավելին՝ լեհական ընկերության հեռանալուն պես եղել է պայմանավորվածություն կենսաչափական անձնագրերի եւ ID-քարտերի արտադրությունը եւ սպասարկումը Կառավարության կողմից ստեղծված «ԷԿԵԳ» ՓԲԸ-ով իրականացնելու համար, այդ նպատակով




մեծ գումարներ են հատկացվել, սակայն նորից ոչինչ չի արվել: Առհասարակ, այս փաստաթղթերի ուսումնասիրությունից բավականին ուշագրավ մանրամասներ են ի հայտ գալիս, օրինակ՝ թե ինչպես կարող է մի ծառայության համար ընկերությունը ամեն տարի ստանալ 128 մլն դրամ, սակայն հանկարծակի նույն ծառայության համար ստանալ 59 մլն, երբ ծառայությունը նույնն է, ստացվում է, որ կամ նախկինում գումարներ են մխվել, կամ ընկերությունն այժմ որոշել է բարեգործությամբ զբաղվել: Մեկ այլ ուշագրավ տվյալ, թե ինչպես է տարիներ ի վեր անձնագրերի մրցույթում շահող հաջողակ գործարարը հեղափոխությունից հետո սառեցնում իր ընկերությունը եւ նորից հայտնվում խաղի մեջ այլ ընկերությամբ: Այս փաստաթղթերը, անշուշտ, կուղարկվեն թե՛ Դատախազություն, թե՛ ՊՎԾ, թե՛ մտահոգ պատգամավորներին, որոնք խորհրդարանում հայտարարում էին, թե պետք է պարզել՝ ինչու չենք կարողանում ՀՀ քաղաքացուն անձնագիր տալ, արդյոք կա այստեղ կոռուպցիոն ռիսկ, թե ոչ: Ի դեպ, համակարգի լավատեսյակ աղբյուրը բացարձակ հեքիաթ է վատ կառա-

վարման արդյունք որակեց պնդումը, որ կենսաչափական անձնագրերի չիպերի պիտանելիության ժամկետն անցել է, այդ պատճառով առաջացել է այդ քառորդ: «Նման արտադրություն իրականացնող ցանկացած ոք գիտի, որ չիպերը կոնկրետ տարիների կյանք ունեն, 10-20 տարի հետո դրանք անհրաժեշտ է փոխել զեղծարարություններից խուսափելու, ծրագրային թարմացումների համար: Այս տարրական ճշմարտությունը պետք է իմանային թե՛ լեհական ընկերությունը, թե՛ մեր ոստիկանության համապատասխան պաշտոնյաները եւ կոնկրետ քայլեր սկսեին նախքան չիպերի պիտանելիության ժամկետի ավարտը: Հիմա պետք է պարզել՝ արդյոք արտադրող ընկերությունը չիպերի պիտանելիության ժամկետի մասին զգուշացրել է ոստիկանության համապատասխան պաշտոնյաներին, թե ոչ: Եթե չի զգուշացրել, պետք է պատասխանատվության ենթարկվի, եթե զգուշացրել է, ապա պետք է պատասխանատվության ենթարկվեն այն պաշտոնյաները, որոնք հանցավոր անգործություն, անփութություն են դրսեւորել»,- ասաց մեր աղբյուրը:

ՄԵՂԱԴՐԱՆՔ

ԾԱՆՐ ՎԵԱՄ ՀԱՄԵՐԿԻՐԱՑՈՒՆ



«Ժողովուրդ» օրաթերթի տեղեկություններով՝ 2023թ. նոյեմբերի 26-ին՝ ժամը 21:17-ին, հաղորդում է ստացվել այն մասին, որ «Ճախ գոտկային հատվածի կտրած-ծակած վերք» ախտորոշմամբ Հերացու անվան թիվ 1 համալսարանական բժշկական կենտրոն բուժօգնության է դիմել Հնդկաստանի Հանրապետության քաղաքացի:

Դեպքի առթիվ ՀՀ քննչական կոմիտեի Երեւան քաղաքի քննչական վարչության Կենտրոն եւ Նորք-Մարաշ վարչական շրջանների քննչական երրորդ բաժնում, ՀՀ քրեական օրենսգրքի 44-252-րդ հոդվածի 2-րդ մասի 5-րդ կետի եւ 166-րդ հոդվածի 2-րդ մասի 6-րդ եւ 8-րդ կետերի հատկանիշներով, նախաձեռնվել է քրեական վարույթ:

Իրականացված քննչական եւ վարույթային գործողությունների, ինչպես նաեւ ձեռնարկված օպերատիվ միջոցառումների արդյունքում պարզվել է ենթադրյալ հանցագործությունը կատարած անձի ինքնությունը, որը եւս Հնդկաստանի Հանրապետության քաղաքացի է՝ ծնված 2000թ.:

«Ժողովուրդ» օրաթերթի փոխանցմամբ՝ քննչությամբ ձեռք բերված տվյալների համաձայն՝ ՀՀ-ում կացության հիմքով գտնվող Հնդկաստանի Հանրապետության 23-ամյա քաղաքացին, իր 21-ամյա համաերկրացու հետ կենցաղային հարցի շուրջ ունենալով լարված փոխհարաբերություններ, 2023թ. նոյեմբերի 26-ին՝ ժամը 21:30-ի սահմաններում, Երեւան քաղաքի Երվանդ Քոչար փողոցում գտնվող «Սուրբ Գրիգոր Լուսավորիչ» եկեղեցու դիմաց վիճաբանել է վերջինիս եւ նրա ընկերոջ հետ: Վիճաբանության ընթացքում 23-ամյա երիտասարդը նախ ձեռքով հարվածել է 21-ամյա համերկրացու գլխին, որից հետո վերջինս ընկել է գետնին, այնուհետեւ գրպանից հանելով դանակը՝ նրա ընկերոջ առողջությանը ծանր վնաս պատճառելու դիտավորությամբ հարվածել է նրա ձախ գոտկային շրջանին՝ առողջությանը պատճառելով կյանքին վտանգ սպառնացող ծանր մարմնական վնաս:

Ձեռք բերված բավարար փաստերի հիման վրա՝ Հնդկաստանի Հանրապետության 23-ամյա քաղաքացուն մեղադրանք է ներկայացվել՝ ՀՀ քրեական օրենսգրքի 166-րդ հոդվածի 1-ին մասով: Միջնորդություն է ներկայացվել դատարան՝ նրա նկատմամբ կալանավորումը որպես խափանման միջոց կիրառելու վերաբերյալ, որը բավարարվել է:

Նախաքննությունը շարունակվում է:

ԲԱՏԱՐԱՅՑՈՒՄ

ԹԱՔՅՐԵԼ Է ՀԱՐԿՄԱՆ ՕԲՅԵԿՏԵՆԸ

«Ժողովուրդ» օրաթերթին ՀՀ քննչական կոմիտեից տեղեկացնում են, որ ՏԵՏԱԿԱՆ հանցագործությունների եւ մաֆսանդուզությունների ֆինանսային գլխավոր վարչությունում քննվող ֆրեական վարույթներով բացահայտվել են ՏԵՏԱՎԱՐԱՂ սուբյեկտի կողմից առանց հաշվարկային փաստաթղթերի սրամարման աղանձներ իրացնելու, օրհանգումները թափանցելու եւ առանձնապես խոշոր չափերով հարկեր չվճարելու դեպքեր:

Մասնավորապես՝ նախաքննության ընթացքում կատարված մեծածավալ վարույթային գործողությունների, ՀՀ պետական եկամուտների կոմիտեի հետաքննության եւ օպերատիվ հետախուզության վարչության աշխատակիցների ձեռնարկած համալիր օպերատիվ-հետախուզական միջոցառումների եւ ՀՀ պետական եկամուտների կոմիտեի հարկային տեղեկատվության եւ ռիսկերի վերլուծության վարչության աշխատակիցների իրակա-

նացրած ուսումնասիրությունների արդյունքում փաստական տվյալներ են ձեռք բերվել այն մասին, որ Մ.Ե.-ն, հանդիսանալով 2008 թվականի հունվարի 8-ին պետական հաշվառում ստացած եւ Արագածոտնի մարզի Ապարան քաղաքում գործող խանութում պարենային եւ ոչ պարենային ապրանքների առևտրով զբաղվող անհատ ձեռնարկատեր, ինչպես նաեւ 2019 թվականի սեպտեմբերի 23-ին պետական հաշվառում ստացած եւ նույն խանութում ոչ պարենային ապրանքների առևտրով զբաղված Ա/Չ Տ.Հ.-ի գործունեությունը փաստացի ղեկավարած անձ, առանձնապես խոշոր չափերով հարկեր չվճարելու նպատակով, խախտելով ՀՀ հարկային օրենսգրքի հոդվածների պահանջները, 2019թ. հոկտեմբերից 2022թ. հոկտեմբեր միսիների ընթացքում թաքցրել է հարկման օբյեկտը:

Մասնավորապես՝ վաճառքներ իրականացնելիս չի տրամադրել հսկիչ դրամարկային մեքենայի կտրոններ, իսկ

հարկային հաշվարկներում մտցրել է խեղաթյուրված տվյալներ, ինչպես նաեւ որպես Ա/Չ Տ.Հ.-ի գործունեությունը փաստացի ղեկավարող անձ՝ 2019 թվականի հոկտեմբեր ամսից 2022 թվականի հուլիս ամիսների ընթացքում նույն եղանակով թաքցրել է նաեւ այդ անհատ ձեռնարկատիրոջ հարկման օբյեկտները, ինչի արդյունքում մեկ միասնական դիտավորությամբ պետական բյուջե չի վճարվել առանձնապես խոշոր չափերով հարկեր:

Հավելենք, որ քրեական վարույթով ձեռք բերված բավարար ապացույցների հիման վրա՝ Մ.Ե.-ի նկատմամբ, ՀՀ քրեական օրենսգրքի 290-րդ հոդվածի 3-րդ մասի 2-րդ կետով, հարուցվել է հանրային քրեական հետապնդում, եւ վերջինիս ներկայացվել է մեղադրանք:

Նախաքննության ընթացքում Մ.Ե.-ն հարկային մարմին է ներկայացրել ճշտված հարկային հաշվարկներ եւ նախկինում թաքցված հարկային պարտավորություններից պետական բյուջե է վճարել 200.000.000 ՀՀ դրամ:

● Ըստ ոստիկանության տվյալների՝ դեկտեմբերի 6-ից 7-ը Հայաստանի Հանրապետությունում բացահայտվել է հանցագործության 68 դեպք, որոնցից 5-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՍԱՐՁ

60 ՏՈՒՆ՝ ԱՐՑԱԽՑԻՆԵՐԻՆ

Իջեալ համայնքի Լուսաձոր գյուղից հայտնեցին, որ այդտեղ Արցախից բռնազաղթած մեր հայրենակիցների համար 60 տուն կկառուցվի: Այդ փոքր գյուղը կառուցվելու է Ֆրանսիայի հայկական հիմնադրամի կողմից ֆինանսավորվող «ՀիմնաՏավուշ» գարգացման հիմնադրամի կողմից: «Ժողովուրդ» օրաթերթը Լուսաձորից տեղեկացավ, որ մեկնարկել են այդ 60 տների համար հողատարածքի հատկացման, շինարարության համար նախագիծ-նախահաշիվ կազմելու աշխատանքները:

ՀԵՏՔԵՐԸ ԹԱՔՅՆՈՒՄ ԵՆ

«Դիլիջան» ազգային պարկ» ՊՈԱԿ-ի 3-րդ պահաբաժնի տարբեր հատվածներում բռնկված հրդեհի մեծ ու փոքր օջախների մեծ մասը հնարավոր է եղել մեկուսացնել: Հրդեհը բռնկվել է դեկտեմբերի 3-ին: Դիլիջան համայնքի բնակիչները հայտնում են, որ նույնիսկ անտառը, երբ Դիլիջան քաղաքի եւ քաղաքին հարակից գյուղերի բնակիչներն անտառ են գնում տուն կ եւ ուտելի խոտաբույսեր հավաքելու համար, նրանք անզգուշությամբ կարող են հրդեհ առաջացնել, այդքան մեծ չափերի հրդեհ չի լինում, իսկ հիմա՝ ձմռան սկզբին, երբ անտառ գնացողներ չեն լինում, անտառը խոնավ է, նման մեծ չափերի հրդեհը պատահական չի կարող լինել: Դիլիջանցիները կարծում են, որ հրդեհը սարքել են, որ ազգային պարկի տարածքում կատարած մեծ հատումների հետքերը ծածկեն, ամեն ինչ վերագրեն կրակին: Հրդեհաշիջման աշխատանքների մասնակիցներից մեկը «Ժողովուրդ» օրաթերթին ասաց, որ ինքն ապշած է հրդեհի գոտում տեսածից, թե այնտեղ ինչքան հատումներ են կատարվել:

ՈՒՍՈՒՑԻՉՆԵՐԻՆ ՈՒ ԿՐԹՈՒԹՅՈՒՆԸ

Սահմանամերձ Տավուշի մարզի հանրակրթական 76 դպրոցներում աշխատում է ընդհանուր թվով 1830 ուսուցիչ եւ ուսուցչի օգնական: Տավուշի մարզպետարանից ստացված տվյալներով՝ նրանցից 1722-ն ունի բարձրագույն մակարդակի կրթություն, 173-ը՝ բարձրագույն ոչ մակարդակի կրթություն, 113-ը՝ միջին մասնագիտական կրթություն: Մարզի հանրակրթական դպրոցներում առկա է ուսուցչի թափուր 27 հաստիք՝ տարբեր առարկաների գծով: Տավուշի մարզպետ Հայկ Ղալումյանին «Ժողովուրդ» օրաթերթը տեղեկատվական հարցում է ուղարկել՝ նրան հարցնելով, թե միջին մասնագիտական կրթություն ունեցող քանի ուսուցիչ է ազատվել աշխատանքից: Մարզպետը պատասխանել է. «Տավուշի մարզի հանրակրթական դպրոցներից բարձրագույն կրթություն չունեցող 4 ուսուցիչ է ազատվել աշխատանքից»:

ՈՍԿԱՆ ՍԱՐԳՅԱՆ Տավուշ

ԳՆԵՐ

Ի՞ՆՉ ԱՐԺԵ ԵԳԻՊՏՈՍՈՒՄ ԱՄԱՆՈՐ ՆՇԵԼԸ

Ամանորին հազված օրեր են մնացել, դրսում արդեն իսկ տնական եռուզեռ է մարդիկ դասառասվում են դիմավորել 2024 թվականը: Դիմավորելու ձեռքը սարքեր են. ոմանգ նախընտրում են անը ընթացիկ անդամների հեռ նեյ, ոմանգ՝ հյուրանոցներում, ռեսուրսներում, դե իսկ մի մասն էլ դարգադես նախընտրում է Նոր սարին երկրից դուրս անցկացնել՝ կտրվելով առօրյա հոգսերից:

«Ժողովուրդ» օրաթերթը դիմել է տուրիստական ընկերություններ՝ պարզելու, թե որքան գումար է անհրաժեշտ Ամանորը Եգիպտոսի Շարմ էլ Շեյխ քաղաքում անցկացնելու համար: Եվ այսպես, հայտնի տուրիստական ընկերություններից մեկը՝ Vardan travel-ը, Շարմ էլ Շեյխի հարմարավետ, ժամանցի կենտրոններին մոտ հյուրանոցում դեկտեմբերի 27-28-ից մինչև հունվարի 3-ը ներառյալ անցկացնելու համար մեկ անձին առաջարկում է 1200 դոլլարանոց փաթեթ: Փաթեթի մեջ ավիատոմսերն են, դիմավորում/ճանապարհում, հյուրանոցում տոնական գալա համերգը: Ընկերությունից մեզ նաեւ փոխանցեցին, որ, կախված հյուրանոցից, կախված մնացած պայմաններից, արժեքը փոփոխական կարող է լինել, այսինքն՝ կան նաեւ ավելի մատչելի ու թանկ տարբերակներ:

AkhTamar tour տուրիստական ընկերության կայքում դեկտեմբերի 7-ի դրությամբ Շարմ էլ Շեյխ մեկնելու համար միայն դեկտեմբերի 23-ն է առաջարկվում,



վերադարձի համար ամենավաղը հունվարի 3-ն է: 3-5 աստղ գնահատվող հյուրանոցների ցանկում տուրիստական ընկերությունը առաջարկում է 4 տարբերակ՝ CATARACT LAYALINA հյուրանոցում ստանդարտ սենյակներ՝ մի դեպքում՝ 1468 դոլլարով, մյուս դեպքում՝ 1503, իսկ եթե ցանկանում եմք, որ պատուհանից ծովը երեւա, մի փոքր ավելի պետք է վճարեք: Այլ կերպ ասած՝ բարձրակարգ սենյակը՝ ծովի տեսարանով, մի դեպքում արժե 1578 դոլլար, մյուս դեպքում՝ 1617: Այս արժեքները եւս փոփոխական են՝ կախված

հավելյալ տրամադրվող ծառայություններից: OneWay տուրը Ամանորը Շարմ էլ Շեյխում կշեղու համար դեկտեմբերի 30-ից հունվարի 6-ի համար առաջարկում է 406.000 դրամանոց փաթեթ՝ 1 անձի համար, որը ներառում է 4 աստղ գնահատվող հյուրանոց՝ All inclusive սննդակարգով, ամանորյա ընթրիքով, դիմավորում/ճանապարհում: Թե ինչ առաջարկներ են գործում այլ երկրների ու քաղաքների դեպքում, «Ժողովուրդ» օրաթերթը կներկայացնի հաջորդիվ: ՍԱՐԿԱՆ ՂԱՋԱՐՅԱՆ

ՍԱՐՍԱՆԿԵՏ

ԳՈՄԱՂԲԸ՝ ՀՐԱՏԱՊ ԽՆԴԻՐ

«Ժողովուրդ» օրաթերթի փոխանցմամբ՝ Կառավարությունը դեկտեմբերի 7-ի նիստում սահմանեց ՀՀ-ում գոմաղբի, թռչնաղբի դահեստավորմանը, սեղափոխմանը, վերամշակմանը, օգտագործմանը եւ վարակազերծմանը ներկայացվող դահանջները:



Որոշման հիմնավորման մեջ նշվում է, որ ներկայումս բնապահպանական ամենահարատապ խնդիրներից մեկը գոմաղբի, թռչնաղբի պահեստավորումը, տեղափոխումը, վերամշակումը եւ վարակազերծումն է: Հանախ գոմաղբը, թռչնաղբը չի տեղափոխվում հատուկ վայրեր, այլ հեռացվում է գյուղացիական տնտեսությունների անմիջական հարեւանությամբ: Աստիճանաբար գոմաղբի հեռացման վայրերում հողը սկսում է օքսիդանալ եւ դառնում ոչ պիտանի գյուղատնտեսության մեջ երկարաժամկետ օգտագործման համար: Ժամանակի ընթացքում ստորերկրյա ջրերը եւ մթնոլորտը ենթարկվում են աղտոտման, որի մեջ արտանետվում են ջերմոցային գազերի՝ մեթանի արտանետումները: Յուրաքանչյուր օր ցանկացած անասնապահական ֆերմայում կուտակվում է մեծ քանակությամբ կենդանական արտաթորանք՝ գոմաղբ, թռչնաղբ, որը հիանալի պարարտանյութ է մշակաբույսերի համար, բայց առանց պահեստավորման եւ վերամշակման այն վնասակար է մի շարք պատճառներով: դրանք պարունակում են վնասակար բակտերիաներ, ճիճուների ձվեր (հելմինտներ), միջատների թրթուրներ եւ տարբեր մոլախոտերի սերմեր:

Գոմաղբի, թռչնաղբի քայքայման ժամանակ առաջացած գազերը վնասում են բույսերի արմատներին: Դրանցում տեղի ունեցող քիմիական ռեակցիաները եւ ավելորդ ջերմության առաջացումը նույնպես անբարենպաստ է, որն էլ հողի է բույսերի հիվանդություններով, բերքատվության նվազմամբ եւ նույնիսկ ամբողջ բերքի ոչնչացմամբ: Գոմաղբի, թռչնաղբի ոչ պատշաճ պահպանումը, վերամշակումը կարող են հանգեցնել աղետալի հետեւանքների, ինչի արդյունքում հողերը, ստորերկրյա ջրերը, օդը եւ մտակա ջրային մարմինները աղտոտվում են թունավորվում են նիտրատներով եւ մանրէներով: Միաժամանակ գոմաղբի պահպանման պայմանների խախտումները կարող են նպաստել վարակիչ հիվանդությունների տարածմանը:

Գոմաղբը, թռչնաղբը միլիոնավոր տոննա ջերմոցային գազերի արտանետման արդյունք է, այն աղտոտում է ջրային մարմինները, ստորերկրյա ջրերը եւ հողը, իսկ դրա պայթեցնելը միկրոֆլորան վտանգավոր հիվանդությունների պատճառ է հանդիսանում: Այս նախագծով առաջարկվում է սահմանել գոմաղբի պահպանման, տեղափոխման, վերամշակման եւ վարակազերծման պահանջները, ինչը ուղղված է մարդու կյանքի եւ առողջությանը, կենդանիների, ինչպես նաեւ շրջակա միջավայրի պաշտպանությանը: Հավելեմք, որ միաժամանակ նախագծի ընդունմամբ խոշոր տնտեսավորողներին, մասնավորապես՝ թռչնաֆաբրիկաներին հնարավորություն կընձեռնվի թռչնաղբից ստանալ օրգանական պարարտանյութ:

● Անցած 1 օրվա ընթացքում Հայաստանի Հանրապետությունում արձանագրվել է 15 ՃՏՊ. 3 մարդ զոհվել է, 21-ը՝ ստացել տարբեր աստիճանի մարմնական վնասվածքներ:

ԿԱՐԾԻՔ

ՄԵԴՎԱԼՆԵՐ

ՀԱՅ ՄԱՐԶԻԿՆԵՐԸ ԳԵՐԱԶԱՆՅԵԼ ԵՆ ՌԵԿՈՐԴԸ

«Ժողովուրդ» օրաթերթի փոխանցմամբ կառավարության ղեկավարների 7-ի հերթական նիստում Կրթության, գիտության, մշակույթի և սպորտի նախարար Ժաննա Անդրեասյան, ներկայացնելով «ՀՀ ֆիզիկական կուլտուրայի և սպորտի ոլորտների 2024-2030 թվականների զարգացման ռազմավարությունը և ռազմավարական գործողությունների պլանը հաստատելու մասին» նախագիծը, նշեց, որ այս օրը Հայաստանի մարզիկներն աշխարհի և եվրոպայի առաջնություններում նվաճել են 432 մեդալ, որը 2019-2023 թվականների 40 տարվա ընթացքում է նախորդ ամենամեծ ճանաչումը: 2022 թվականին Հայաստանը ներկայացնող մարզիկները 307 մեդալ էին նվաճել, ինչն այդ ժամանակ ռեկորդային ցուցանիշ է:



գործընթացները պատվիրակելու միջոցով: Կմշակվեն առանձին մարզաձևերի զարգացման ծրագրեր, ինչպես ֆուտբոլը, շախմատը, բասկետբոլը, ձմեռային մարզաձևերը», - հավելել է Անդրեասյանը: Նշելով, որ ռազմավարության կարևոր ուղղություններից է ոլորտում կարողությունների զարգացումը մարզիկների և մրցավարների որակավորման աստիճանական ստանդարտների ներդրման, արդի պահանջներին համապատասխան վերապատրաստումների համակարգի ներդրման և այլ ուղղություններով: «Շարունակելու են գործել նվաճումներ ունեցող մարզիկների և նրանց

մարզիչների խրախուսման գործընթացները, որը թե՛ միանվագ, թե՛ ամսական իմաստով շոշափելի դրամական աջակցություն է: Կան ամսական նույնիսկ մեկ միլիոն դրամից ավելի դրամական խրախուսում ստացող մարզիկներ», - ընդգծել է գերատեսչության ղեկավարը՝ կարևորելով մարզիչների աշխատավարձերի բարձրացման քաղաքականությունը կամավոր առեստավորման ներդրման միջոցով: «Այս տարի իրականացվել է 4 մարզաձևի համար, սակայն եկող տարի կընդլայնվի՝ ընդգրկելով մեծ թվով մարզաձևեր», - հայտնել է նախարարը:

Նրա խոսքով՝ սպորտի զարգացումը և հանրության շրջանում առողջ ֆիզիկական ակտիվության խրախուսումը ՀՀ կառավարության ծրագրի կարևոր առաջնահերթություններից է, և մարզիկների նվաճումներն այդ շարունակական քաղաքականության արդյունք են: Ըստ նախարարի՝ ոլորտում առանձին խնդիր է հաշվետվողականությունը: «Այդ թվում օրենսդրական փոփոխությունների միջոցով վերանայվելու և հստակեցվելու են լիազոր մարմնի, ֆեդերացիաների, Օլիմպիական կոմիտեի և մարզական կազմակերպությունների հարաբերությունները: Ներդրվելու է տեղեկատվական կառավարման համակարգ, աշխատանք է տարվելու մասնավոր ոլորտի ներգրավվածության մեծացման մասով, այդ թվում կառավարման

ՄԱՐԶԱԿԱՆ

«ԲԱՎԱՐԻԱ»-Ի ԱՌԱՋԱՐԿԸ

Գերմանիայի չեմպիոն Սյունիսենի «Բավարիան» Մադրիդի «Ռեալին» առաջարկել է ֆուտբոլիստների փոխանակություն. հաղորդում է Defensa Central-ը: Արքայական ակումբը ցանկանում է հաջորդ ամռանը ձեռք բերել մյունխենյան թիմի կանադացի պաշտպան Ալֆոնսո Դելփին: «Բավարիան» առաջարկել է նրան փոխանակել «Ռեալի» բրազիլացի հարձակողական կիսապաշտպան Ռոդրիգոյի հետ: Սյուն տարբերակը Դելփի փոխանակությունն է «Ռեալի» հեռանկարային կիսապաշտպան, 19-ամյա արգենտինացի Նիկո Պասի հետ, սակայն այս դեպքում մադրիդյան ակումբը պետք է նաև լրացուցիչ գումար վճարի: 22-ամյա Ռոդրիգոն «Ռեալի» խաղացող է 2019 թվականից: Նրա պայմանագիրը նախատեսված է մինչև 2028թ. հունիս: Ընթացիկ մրցաշրջանում Ռոդրիգոն իտալացի Կառլո Անջելոտիի գլխավորած թիմի հետ մասնակցել է 20 հանդիպման, խփել է 9 գոլ, կատարել 5 գոլային փոխանցում: Transfermarkt-ը Ռոդրիգոյի տրանսֆերային արժեքը գնահատում է 100 միլիոն եվրո, Ալֆոնսո Դելփինը՝ 70 միլիոն եվրո, Նիկո Պասինը՝ 5 միլիոն եվրո:

ՀՐԱԺԱՐՎԵԼ Է ԵՐԿԱՐԱԶԳԵԼ

Նիդերլանդների հավաքականի և իտալական «Ինտերի» 27-ամյա պաշտպան Դենզել Դյումֆրիսը հրաժարվել է երկարաձգել պայմանագիրը միլանյան ակումբի հետ. հաղորդում է իտալական La Gazzetta dello Sport-ը: «Ինտերը» ֆուտբոլիստին առաջարկել է տարեկան 4 միլիոն եվրո աշխատավարձ: Դյումֆրիսի ներկայացուցիչները պահանջել են առնվազն 5 միլիոն եվրո: Եթե կողմերը չհասնեն համաձայնության, «Ինտերը» հաջորդ ամռանը կվաճառի Դյումֆրիսի տրանսֆերը: Նրա պայմանագիրը նախատեսված է մինչև 2025թ. հունիս: Դյումֆրիսն «Ինտերում» հանդես է գալիս 2021 թվականից: Ընթացիկ մրցաշրջանում նա իտալացի Սիմոնե Ինձագիի գլխավորած թիմի հետ մասնակցել է 16 հանդիպման, խփել է 2 գոլ, կատարել 4 գոլային փոխանցում: Transfermarkt-ը Դյումֆրիսի տրանսֆերային արժեքը գնահատում է 28 միլիոն եվրո:

ԳՈՆԱՐՈՒՄԱՆ ՈՐԱԿԱԶՐԿՎԵԼ Է

Փարիզի ՊՍԺ-ի իտալացի դարպասապահ Զանլուիջի Դոնարուան որակազրկվել է Ֆրանսիայի առաջնության երկու խաղով. հաղորդում է ակումբի մամուլի ծառայությունը: Ֆրանսիայի առաջնության 14-րդ տուրում «Յավոյի» դեմ հանդիպման 10-րդ րոպեին Դոնարուան հեռացվել էր վերջին հույսի խախտման համար, որի ժամանակ ոտքով հարվածել էր մրցակցի կրծքավանդակին: ՊՍԺ-ն հաղթել էր 2:0 հաշվով: 24-ամյա դարպասապահը չի օգնի իտալական Լուիս Էրիկեի գլխավորած թիմին «Նանտի» (դեկտեմբերի 9) և «Լիլի» (դեկտեմբերի 17) դեմ հանդիպումներում: Ընթացիկ մրցաշրջանում Դոնարուան ՊՍԺ-ի հետ բոլոր մրցաշարերում մասնակցել է 19 հանդիպման, բաց է թողել 18 գոլ: Նրա պայմանագիրը ՊՍԺ-ի հետ նախատեսված է մինչև 2026թ. հունիս: Transfermarkt-ը Դոնարուանի տրանսֆերային արժեքը գնահատում է 45 միլիոն եվրո:

ԱՐՑԱԽ

ՉԵՎԱԿԵՐՊԵԼ Է ՊԱՅՔԱՐԻ ԻՐ ԲԱՆԱԶԵՎԸ

«Արցախի հանդեպ անսահման կարոք իմ սրտում, ուզում եմ Արցախի դասառիկները դարձնել հավերժ ներկա», - «Ժողովուրդ» օրաթերթի հեծ գրույցում ասում է Արցախից բռնի տեղահանված Լիլիթ Հայրապետյանը:



Լիլիթը մասնագիտությամբ բանասեր է: Սովորել է Արցախի պետական համալսարանում: Ինչպես Լիլիթն է ասում, նրան միշտ ավելի հոգեհարազատ է եղել դերասանի մասնագիտությունը: Փոքր տարիքից քրոջ՝ Վարդիկի հետ ներկայանում էր բեմերում տարբեր կերպարներով: 2020 թվականից հետո արդեն աշխատում էր Ստեփանակերտի Վահրամ Փափազյանի անվան պետական դրամատիկական թատրոնում՝ որպես սկսնակ դերասանուհի, և հենց այդ ժամանակ էլ նկարահանվեց մեր քաջորդիների սիրագործությունները պատկերող «Արցախի լուսաբացը» կինոներկայացմանը: Հիմա Լիլիթը ապրում է Երեւանում, բայց բեմ բարձրանալու ցանկություն չունի: Որոշել է Արցախը ներկայացնել էկոպայուսակների տեսքով: «Ես Լիլիթ Յայրապետյանն եմ արցախցի երիտասարդներից մեկը, որը փորձում է իր ունեցած տաղանդով, հնարավորություններով աշխարհին ներկայացնել ու հասանելի դարձնել Արցախն ու նրա մշակութային արժեքները: Բեմ բարձրա-

նալու դեռ պատրաստ չեմ: Ընկճված եմ, բայց ոչ թեւաթափ: Որոշել եմ Արցախ ներկայացնել աշխարհին ազգային այլ արժեքների տեսքով: Այսուհետ իմ հնարավորությունները կիրառելու եմ էկոպայուսակների արտադրության մեջ», - ասում է մեր գրույցակիցը: Լիլիթի խոսքով՝ շրջափակումը չընկճեց արցախցուն, ավելին՝ յուրաքանչյուր ունեցավ պայքարի իր բանաձեւն ու ամուր էր կանգնած հայրենի հողի վրա՝

գիտակցելով, թե ինչպես ես երբ է հողը դառնում հայրենիք: «Իմ բանաձեւը ես ձեւակերպել էի հետեւ կերպ՝ սիրելիս հետ հաղթահարել բլրկադայի հետեւանքով ստեղծված սոցիալ-հոգեբանական գործոնները, ամուսնանալ ու շարունակել Արցախցու հզոր տեսակը... Ամուսնացա հուլիսի 23-ին, իսկ հետո... հետո եղավ այն, ինչ բոլորս գիտենք», - հուզմունքով ասում է Լիլիթը:

● Դեկտեմբերի 9-ին «Բոհեմ» թատրոնում տեղի կունենա «Շերշե լա ֆամ» ներկայացումը: Տոմսերի արժեքը՝ 2000-5000 դրամ: Սկիզբը՝ ժամը 19:00-ին:



Էջը՝ ՄԱՐԻԱՍ ՂԱԶԱՐՅԱՆԻ

ՓԱՍՏԱԹՈՒՂԹ

ՀԱՐՑ. Ինչո՞ւ Լեռնային Ղարաբաղի բնակիչներին նույնականացման փառ չի սրամաղրվում:
Անահիտ Թորոսյան (52 տարեկան)



ՊԱՏԱՍԽԱՆ. Լեռնային Ղարաբաղի այն բնակիչները, որոնք ունեն վավեր նույնականացման քարտ, կարող են օգտագործել փաստաթուղթը մինչև դրա ժամկետի ավարտը:

ՀՀ կառավարություն

«ԺՈՂՎՈՒՐԳ». Լեռնային Ղարաբաղի՝ ՀՀ քաղաքացիություն ստացած բնակիչները կարող են դիմել նույնականացման քարտ ձեռք բերելու համար՝ համաձայն նույնականացման քարտերի մասին ՀՀ օրենքի հոդված 2-ի:

ՓՈՒՆԱԴՐՈՒՄՆԵՐ

ՀԱՐՑ. «ՀայՓոստ»-ով առաքումներ անելիս ո՞ր դեղիում է սահմանվում մաքսաճուրֆ:
Լուսինե Բաղայան (37 տարեկան)



ՊԱՏԱՍԽԱՆ. 2022 թվականի մարտի 31-ից սկսած՝ ոչ Եվրասիական տնտեսական միության անդամ երկրներից ֆիզիկական անձանց կողմից փոխադրողի միջոցով կամ միջազգային փոստային առաքումներով Հայաստանի Հանրապետություն ներմուծվող ապրանքների համար մաքսատուրք եւ հարկեր չեն գանձվում, եթե տեղափոխվող ապրանքների ընդհանուր քաշը չի գերազանցում 30 կիլոգրամը, իսկ արժեքը չի գերազանցում 200 հազար ՀՀ դրամը:

ՀայՓոստ

«ԺՈՂՎՈՒՐԳ». Եթե ընդհանուր քաշը գերազանցում է 30 կիլոգրամը, կամ արժեքը գերազանցում է 200 հազար ՀՀ դրամը, ապա սահմանվում է մաքսատուրք եւ հարկեր գերազանցող մասի համար 15% միասնական դրույքաչափ, սակայն ոչ պակաս, քան 30 կիլոգրամը գերազանցող յուրաքանչյուր կիլոգրամի համար 2 Եվրոյին համարժեք ՀՀ դրամ:

ԼՈՒՐ ԿԱԴՐ

Լուսանկարը՝ համացանցից



Չինաստանում սկսել են շահագործել աշխարհում ամենամեծ ստորգետնյա լաբորատորիան, որը գտնվում է 2400 մ խորության վրա: Լաբորատորիան գտնվում է երկրի հարավ-արեւմտյան Սիչուան նահանգում: Այն ունի 330.000 խորանարդ մետր տարածք:

DURF լաբորատորիան սկսել են կառուցել 2020թ. դեկտեմբերից:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☾	Շիրակ	0 - 2 + 5 + 8	☾	Արարատ	+ 3 + 6 + 9 + 11
☾	Կոտայքի լեռներ	- 1 + 2 + 5 + 6	☾	Արմավիր	0 + 2 + 5 + 8
☾	Կոտայքի նախալեռներ	+ 2 + 4 + 9 + 11	☾	Վայոց ձորի լեռներ	0 + 2 + 5 + 8
☾	Գեղարքունիք	0 + 4 + 3 + 6	☾	Վայոց ձորի նախալեռներ	+ 3 + 6 + 9 + 11
☾	Լոռի	- 1 + 3 + 10 + 13	☾	Սյունիքի հովիտներ	+ 5 + 9 + 13 + 16
☾	Տավուշ	+ 2 + 5 + 12 + 15	☾	Սյունիքի նախալեռներ	+ 5 + 9 + 10 + 13
☾	Արագածոտնի լեռներ	- 1 - 5 + 8 + 11	☾	ԼՂՀ	+ 2 + 5 + 10 + 13
☾	Արագածոտնի նախալեռներ	- 1 - 5 + 8 + 10	☾	Երեւան	+ 3 + 5 + 8 + 10

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ **010 54-64-23**
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության **7.12.2023**

Գլխավոր խմբագիր՝
ԶՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրայնստվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: